

প্রাক প্রাথমিক শিক্ষার ওপর গুরুত্ব দিতে হবে : রাশেদা কে চৌধুরী

প্রাথমিক ও গণশিক্ষা, মহিলা ও শিশু এবং সংস্কৃতি বিষয়ক মন্ত্রণালয়ের উপদেষ্টা রাশেদা কে চৌধুরী বলেছেন, মিলেনিয়াম উন্নয়ন লক্ষ্য অর্জনে আমাদের প্রাক-প্রাথমিক শিক্ষার ওপর সর্বাধিক গুরুত্ব দিতে হবে। তিনি গতকাল ঢাকার আইডিবি ভবনে প্লান বাংলাদেশ আয়োজিত 'মিলেনিয়াম উন্নয়ন লক্ষ্য অর্জন : জাতীয় ইসিসিডি নীতির প্রেক্ষাপট ও প্রয়োজন' শীর্ষক এক গোলটেবিল বৈঠকে প্রধান অতিথির বক্তৃতায় একথা বলেন। প্লান বাংলাদেশের কান্ট্রি ডিরেক্টর এডওয়ার্ড নেড এসপের সভাপতিত্বে অনুষ্ঠানে অন্যদের মধ্যে জাসদের সভাপতি হাসানুল

হক ইন, ঢাকা বিশ্ববিদ্যালয়ের মনোবিজ্ঞান বিভাগের অধ্যাপক ড. মেহতাব খানম, ভিকারুননিসা নূন স্কুল অ্যান্ড কলেজের সাবেক অধ্যক্ষ হামিদা আলী; সেভ দ্য চিলড্রেন-ইউএসএ-এর হাবিবুর রহমান, ঢাকার আহছানিয়া মিশনের উপনির্বাহী পরিচালক এহসানুর রহমান এবং গণসাক্ষরতা অভিযানের ভারপ্রাপ্ত পরিচালক মো. আজিজুল হক বক্তৃতা করেন। অনুষ্ঠানে স্বাগত বক্তব্য দেন প্লান বাংলাদেশের সাপোর্ট ম্যানেজার সাইফুল ইসলাম। অনুষ্ঠান সঞ্চালকের দায়িত্ব পালন করেন ঢাকা বিশ্ববিদ্যালয়ের ইংরেজি বিভাগের অধ্যাপক ড. সৈয়দ মনজুরুল ইসলাম। অনুষ্ঠানে বিশেষ অতিথি হিসেবে

বক্তৃতা করেন প্রাথমিক ও গণশিক্ষা মন্ত্রণালয়ের সচিব মো. মোশাররফ হোসাইন ডুইয়া। উপদেষ্টা বলেন, ২০১৫ সালের মধ্যে সবার জন্য শিক্ষা কর্মসূচিতে সাফল্য অর্জন করতে হলে সরকারি ও বেসরকারি সংস্থাগুলোকে পার্টনারশিপের ভিত্তিতে কাজ করতে হবে। কারণ প্রাক-প্রাথমিক লেভেলে পড়াশোনার হার এখনো খুবই কম। তাই তিনি বলেন, এক্ষেত্রে সফল হতে হলে সব প্রাথমিক স্কুলে বেবিক্রাস চালু করাসহ ব্যাপকভাবে উপানুষ্ঠানিক শিক্ষা চালু করতে হবে। এ লক্ষ্যে গণসচেতনতা সৃষ্টির প্রয়োজন রয়েছে। মিডিয়া এক্ষেত্রে বিশেষ ভূমিকা পালন করতে পারে। তথ্য বিবরণী